



Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 45. Quid dicendum sit de casu, in quo mors intentatur Sacerdoti, nisi consecret extra Missam, sine sacris vestibus, sine altari, calice &c.

urn:nbn:de:hbz:466:1-42624

instituta sunt Sacra menta , videtur excusare.

Q. 10. Si paramenta non sint enormiter im-
mund a , est tantum veniale in illis celebrare ,
quamvis foret ipsum corporale, *Marchant*. Imò
usurpare vestes aut paramenta non munda ,
quando alia haberi non possunt, non est pecca-
tum, *Suar. Gob. n. 389.*

Q. 11. Vestibus sacris uti ad comœdiam pro-
fanam vix vacat culpâ mortali. *Suar. Gob. n. 389.*
Detritæ autem non sunt adhibendæ ad usus
profanos, sed vel exurendæ, vel è majoribus fa-
ciendæ minores , v. g. ex Albis humeralia aut
superpelliceum, ex Stola manipulus, *Tann. Gob.*

Q. 45. Quid dicendum sit de casu , in quo mors
intentatur Sacerdoti, nisi consecrat extra Missam, si-
ne sacris vestibus, sine Altari, calice &c. R. Præter
illa, quæ habet *Busenb.* hic notanda sunt seqq. Q. 1.
Dixi p. 1. à n. 156. talem Sacerdotem gravissi-
mè peccaturum, si verba consecrationis profer-
ret sine intentione consecrandi , sed posse alia
verba submissè dicere : possuntque de hoc plu-
ra videri apud *Henao* à n. 1776.

Q. 2. Si mors intentetur , nisi celebret sine
sacris vestibus, altari aut calice, *Caj. Nugn. Suar.*
Castrop. Fill. t. 5. n. 148. Verj. t. 8. a. 6. dicunt ce-
lebrare non posse aut consecrare , quia est in-
trinsecè malum , eò quod ista spectent ad in-
trinsecam reverentiam Sacramento debitam.
E contrà *Az. Vasq. Valent. Sal. Becan. Bonac. Dian.*
p. 11. t. 6. R. 15. & 25. *Pasq. q. 701. Gob. t. 3. n. 339.*
Reques. d. 15. n. 65. Sporer n. 396. & 408. dicunt
non esse intrinsecè malum , ideoque licere ex
metu mortis , sed rectè notat *Avers. q. 11. f. 13.*
casum in praxi vix habere locum , quia vix ab-
erit contemptus fidei vel Religionis, qui si adsit,

M 5

erit

336.

337.

338.

339.

erit illicitum. Videri potest Henao à n. 1784.

340. Q. 46. *Quid circa colorem paramentorum sit notandum.* &c. seqq. §. 1. Rubricam de coloribus esse tantum directivam nec inducere obligationem, praeter citatos à *Busenb.* docent *Suar. Avers. Quarti p. 1. tit. 18. dub. 1.* Innuit tamen *Gob. t. 3. n. 382.* fore mortale, si in Paschate celebraretur in nigris: Color autem aureus sive croceus aequivalet omni colori, quia omnes ad illum concurrunt, *Quarti dub. 2.*

341. §. 2. In defefectu adhiberi potest manipulus vel Stola diversi coloris & materiae ab invicem & à casula, *Pajq. q. 807.* Addunt *Gob.* & *Sporer* n. 415. melius esse quocunque die celebrare in quocunque colore, quam non celebrare, potestque facilè velum alterius coloris adhiberi, si non adsit ejusdem.

342. §. 3. Color *violaceus* adhibetur in Adventu, quatuor temporibus, & vigiliis omnibus non excipiendis: Festo S. Marci & in Rogationibus. A Septuagesima & per Quadragesimam In Missis de Passione, tempore belli, pro pace, iter agentibus, infirmis, & pro aliis similibus necessitatibus (excepto pro electione Papæ, tum enim est ruber) Festo SS. Innocentium, si non incidat in Dominicam; octava autem, aut si incidat in Dominicam, habet rubrum.

Albus color adhibetur die Jovis sancto. A Sabbatho sancto inclusivè usque ad vigiliam Pentecostes. Vigiliā Epiphaniæ & in Epiphania. Festis SS. Trinitatis, Christi, B. Virginis, Angelorum, omnium Sanctorum, Sanctorum non Martyrum, Conversionis S. Pauli, S. Petri ad vincula & utriusque Cathedræ, stigmatum S.

Fran-